

Efesios

Efeso cjēnare ojoa ohoahye Pablo

¹ Yuh̄u Pablo m̄sare Efeso wame tiri maca cjānare ojoa ohoaja. Yuh̄u Jesucristo yere buhe duti tiquiro cūriḡu ijiaja. Cohācjū tiquiro cahmeno sahata Jesu yuh̄ure tiquiro yere buheacj̄ure cūri. Sa yeḡu m̄sare Jesucristore sa wacū tutua-ducunare ojoa ohoaja yuh̄u. ² Sa yeḡu Cohācjū mari Pac̄u mehna, mari p̄htoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

Cristo yequina mari ijigū ihñano Cohācjū quehnoano yere marine

³ Cohācjū, mari p̄htoro Jesucristo Pac̄uro marine quehnoano yeducure. Ijipihtiye tiquiro ye uh̄m̄se cjē quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuuhna. ⁴ Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire m̄sa”, nisi tiquiro. ⁵ Marine cahño, paja ihñano panop̄u ohō saha niahye tiquiro marine: “Yuh̄u mac̄u Cristo

yedohoro mehna tiquina y_uh_u pohna ijjeta”, ni cūahye marine panop_u. Tiquiro cahmediro sahata sa yeahye tiquiro marine. ⁶ Marine tiquiro sa quehnoano yegū ihñana ño peoye mehna tiquirore quehnoano yahuducuuhna. Tiquiro macano tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuuhna.

⁷⁻⁸ Cristota ijire marine pecap_u wahaborinare y_uhd_uoriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. ⁹⁻¹⁰ Sa yero marine tiquiro yeatire marine masigū yeri. Panop_u apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro t_uhoturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū _uhm_use cjēnare, ahri yehpa cjēna gūhare, ihcā curuata tiquiro yequina ijigū yerota. Sa yero _uhm_use cjēne, ahri yehpa cjē gūhare tiquiro ye ijigū yerota. Sa yero Cristo pehe ijipihtiyequina p_uhtoro ijirota. Sa ye ijipihtiyere tiquiro ye dihita ijirota. Sa ijia-tiquiro iji dutiahye Cohācjū tiquirore.

¹¹ Sa yero Cristo yequina mari ijiatire masino panop_u Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro t_uhoturiro sahata, tiquiro cahmediro sahata yero taro. ¹² Sa yeahye tiquiro yere mari yeatire. Mari sa yegū ihñañe apequina tiquirore

ño peoye, “Tutuagũ ijire mũhũ”, nine. Ʋsã pehe judio masa Jesure cahme dũcarina ijina tiquireore wacũ tutua mũhtarina ijii. ¹³ Mũsa gũhũ poto yahuducuyereta quehnoañe buheyere tũhori. Ti buheye mehnata Cohãcjũ cahapũ wahanata mũsa. Tire tũhona tiquireore wacũ tutuari mũsa. Sa wacũ tutuana tiquireo yequina wahari mũsa. Tiquireo yequinare ohõ saha ni-ahye Cristo: “Mũsare Espĩritu Santore ohoutja”, ni yahu cũahye. Sa yero tiquireore mũsa wacũ tutuagũ ihñano Espĩritu Santore ohori mũsare. Sa yero Espĩritu Santo mũsa mehna ijiro Cohãcjũ yequina mũsa ijiye tiyere masigũ yere tiquireo pehe. ¹⁴ Cohãcjũ marine yũhdũgũ yere. Sa yero came tiquireo cahapũ neanota marine. Marine tiquireo neato pano Espĩritu Santo pehe Cohãcjũ yere mari cũoatire masigũ yere marine. Cohãcjũ marine tiquireo sa yegũ ihñana tiquireore ño peoye mehna “Quehnoagũ ijire mũhũ”, niaja mari.

Pablo Cohãcjũre sini basahye Jesu yequinare

¹⁵⁻¹⁶ Cristore mũsa wacũ tutuana ijigũ ihñagũ Cohãcjũre sa sini basaducujaja mũsare. Jesucristore mũsa wacũ tutuarire, ijipihtiyequina tiquireo yequinare mũsa cahĩdire tũhogũ Cohãcjũre “Quehnoare”, niaja. Ohõ saha tiquireore sini basaja mũsare: ¹⁷ Cohãcjũ ahmũse cjũno tiquireo yere mũsa quehnoano masiatire sini basaja. Sa yegũ tiquireore mũsa quehnoano masiatire sini basaja mũsare. Tiquireo mari pũthoro Jesucristo Pacũro ijire. ¹⁸ Sa yegũ mũsa quehnoano masiatire mũsare sini basaja Cohãcjũre. Tiquireo mũsare yũhdũoro, tiquireo yequina ijigũ yeri

m̄sare. Tiquiro sa yegũ quehnoa ȳhd̄uare marine. Tire m̄sa masiatire sini basaja m̄sare Cohãcjũre. Sa yegũ marine tiquiro ohoatire quehnoa ȳhd̄uaye ti ijigũ gũhare m̄sa masiatire sini basaja. ¹⁹ Ohõ saha m̄sa masiatire sini basaja m̄sare Cohãcjũre. Cohãcjũre wacũ tutuana mari ijigũ ihñano tiquiro tutuaye mehna marine yedohore. Tutua ȳhd̄uariquiro ijire. Ti gũhare m̄sa masiatire sini basaja Cohãcjũre. ²⁰ Ti tiquiro tutuaye mehna tiquiro Cristo yariariquirore masoahye. Sa yero ùhm̄sepũ tiquiro poto pehepũ Cristore dujigũ yeahye Cohãcjũ, ijipihtiyequinare tiquiro dutiatio saha. ²¹ Topũ dujiro ijipihtiyequina ùhm̄se cjẽna pũhtoa bui, ijipihtiyequina apequina bui ijire Cristo. Sa yero yojopũre ijipihtiyequina ahri deco cjẽna bui pũhthora ijire. Camepũ ijipihtiyequina ape deco cjẽnapũ gũhare tiquina bui pũhthora ijiatiquirota ijire tiquiro. ²² Sa yero ijipihtiyequina bui cũahye Cohãcjũ Cristore. Sa yero ijipihtiyere c̄oriquiro yeahye tiquirore. Sa yero Cristo yequina ihcã curua ijiyequina bui pũhthora s̄ahye tiquirore. Tiquina dapu ijire tiquiro pehe. ²³ Cristo yequina ihcã curuata ijina, tiquiro pagũ yero saha ijiaja. Cristo ijipih̄tiropũ sa ijiducure. Sa yero ijipihtiye tiquiro bajumehnedi mehna sa ijiducure.

2

Cohãcjũ marine cahño, paja ihñano ȳhd̄uoaahye marine

¹ Ñãñe buhiri tina, pecapũ butiborina m̄sa ijipegũta Cohãcjũ m̄sare ȳhd̄uori. ² Panopũre

ahri yehpa cjēna Cohācjūre yḥdḥdḥcayequina yero saha yemedi mḥsa. Sa yena watīno tiquiro ni-diro saha yemedi mḥsa. Tiquiro watīno ahri yeh-papḥ dutiriquiro Cohācjūre yḥdḥdḥcayequina pḥhtoro ijire. ³ Panopḥre ijipihina mari ohō saha dihita yerina ijimi. Mari ñañe dihitare tutuaro cahmemi. Mari esa tuharo, mari tḥhoturiro saha yemi. Sa yena ijina ijipihitiyequina apequina yero saha, mari gḥhḥ ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye. ⁴ Sa ye duariquiro ijieperota marine tutuaro paja ihñano, quehnoano cahīdi marine. ⁵ Sa cahī yḥdḥaro, mari ñañe buhiri pecapḥ butiborina mari ijiepegūta marine tiquiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, yḥdḥori tiquiro marine. ⁶ Sa yero Cristo yequina mari ijigū ihñano Cohācjū marine came tiquiro masoatinare cūri. Cristo tiquiro masoat-inare cūri marine. Sa yena tiquiro mehna masa mḥjanata mari. Sa yero ḥhmḥsepḥ marine Cristo mehna ijigū yerota Cohācjū. ⁷ Ohō saha yeri ma-rine tiquiro paja ihñarire, camepḥ ijiatiquinare masigū yero taro. Sa yeri tiquiro tutuaro cahīñene tiquinare masigḥ yero taro. Cristo yequina mari ijigū ihñano sa yḥdḥori tiquiro marine.

⁸ Cristore mari wacū tutuagū ihñano Cohācjū marine pecapḥ wahaborinare yḥdḥori. Marine paja ihñano, marine cahīno marine yḥdḥori. Mari esa tuharo mari quehnoano yeye mehna Cohācjū cahapḥ waha masiedaja mari. Cohācjū pehe ma-rine yḥdḥore. Sa yero tiquiro mehna mari sa ijiducuatire ohore marine. Tiquiro sa ohogū

mari esa tuharo quehnoañene mari yeri wapa ijierare ti. ⁹ “ ‘Ŭsã esa tuharo pecap_m wahaborina y_{hd}_m’, niboaga”, nino ohõ saha dutiahye tiquiro: Mari esa tuharo y_{hd}_m dutierare marine. ¹⁰ Cristo yequina ijigũ yeri marine Cohãcjũ pehe quehnoañe dihitare yeanaja mari ijiatire. Panop_m quehnoañene mari yeatire cũ tuhasahye tiquiro marine.

Cristore c_hona mari quehnoano ijiaja

¹¹ Sa yena panop_m m_{sa} ijie tirire yojop_m gũ_hre wacũña m_{sa}. Cristo yequina ijieranina judio masa ijiena ijina m_{sa} acaye yero saha yerina ijimedi m_{sa}. Cuhnucun_m cahserogãre y_hre nedari m_{sa}. M_{sa} sa y_hre nedagũ ihñana usã judio masa pehe cuhnucun_m cahserogãre y_hre nena pehe m_{sa}re ihña tuhtina ohõ saha nie tii. “Cuhnucun_m cahserogãre y_hre neeñequina ijiye, Cohãcjũ yequina ijierare”, nie tii m_{sa}re. ¹² Ti pjere Cristo yequina ijierari jimedi m_{sa}. Ŭsã judio masa pehe Cohãcjũ beserina ijie tii. Ŭsã sa ijigũ “M_{sa}re y_{hd}_moutja”, ni cũahye Cohãcjũ usãre. Sa yena m_{sa} pehe tiquiro sa ni cũrina ijierari jimedi. Sa ye Cohãcjũ beseriquinare ihña tuhtina ijinimedi m_{sa}. M_{sa} ñaño buhirire pecap_m wahanaja ijiri jimedi m_{sa}. Cohãcjũ mariena ijina pecap_m waha, butiborina ijie tiri jimedi m_{sa}.

¹³ Yojop_m pehere Cristo Jesu yequina ijire m_{sa}. Panop_m Cohãcjũre ihña tuhtirina ijiepenata, yojop_mre tiquiro yequina ijire m_{sa}. Cristo m_{sa} ñaño buhiri curusap_m tiquiro dii cohãri bato Cohãcjũ yequina ijigũ yeri m_{sa}re. ¹⁴ Ŭsãre judio masare ihña tuhtina m_{sa} ijigũ ihñano

Cristo marine ihña tuhti dutierari. Masare sa ni yahuriquiro ijire tiquiro. Usã judio masa, judio masa ijiena mehna pua curua mari ijigũ ihñano, tiquiro ihcã curuata ijigũ yeri marine. Mari cahme ihña tuhtirire duhugũ yeri tiquiro. ¹⁵⁻¹⁶ Ohõ saha tire yeri tiquiro: Mari ñaño buhirire curusapua yariaro marine pecapua wahaborinare yuhduori. Sa yuhduoro tiquiro yequina ijigũ yeri marine. Sa yero pua curua mari ijiepegũta ihcã curuata wahma curua ijigũ yeri marine. Sa yero panopua mari cahme ihña tuhtirina mari ijiepegũta marine ihña tuhtieragũ yeri. Sa yero judio masa usã dutiyere cohãri tiquiro. Ti dutiye marine pua curua iji dutiri jimedi. Yojopure ihcã curuata ijiaja mari. Sa yero Cristo Cohãcjũ yequina ijigũ yeri marine.

¹⁷ Sa yero marine cahme ihña tuhtieragũ yero taro Cristo quehnoaño buheyere yahuro ahtahye. M̄sa judio masa ijiena Cohãcjũ yere c̄oerari jimedi. M̄sa sa c̄oeragũ ihñano m̄sare yahuro ahtahye. Usã judio masa pehe Cohãcjũ yere c̄ou. Usã gũhure yahuro ahtahye. Sa yero ijipihtinare marine cahme ihña tuhtieragũ yero, bosaro ahtahye tiquiro. ¹⁸ Yojopure ijipihtina mari judio masa, judio masa ijiena gũh̄ mari Pac̄ mehna quehnoano iji masiaja mari. Espiritu Santo tiquiro yedohoye mehna mari Pac̄ mehna quehnoano iji masiaja mari. Cristo pehe marine sa ijigũ yeri.

¹⁹ Sa yena yojopure ape dihta cj̄na yero saha ijierare m̄sa. Yojopure Cohãcjũ yequinare ihña tuhtina ijierare m̄sa. Cohãcjũ yequina mehna cj̄na ijire m̄sa. Tiquiro ya curua cj̄na ijire m̄sa. ²⁰ Cohãcjũ yere yahu m̄htariquina panopua

cjēna tiquiro ye yahuducuyere ojoa, m̄sare yahue tiahye. Ɖsã ḡh̄h̄ tiquiro yere yahu dutiro tiquiro c̄rina ḡh̄h̄ Cristo yere yahue tii m̄sare. Ɖsã ijipih̄tina sa yahuḡã t̄hona, Cristore wac̄ũ tutua d̄cari m̄sa. Quehnoa ȳhd̄ariquiro, ñãñe marieniquiro ijiro, tiquiro yequina ijiḡã yeri tiquiro m̄sare. Tiquiro mariedaḡã mari ne ȳhd̄eraboya. ²¹ Sa yero tiquiro masiñe mehna marine tiquiro yequinare ihc̄ã curua ijiḡã yeri tiquiro. Sa yena tiquiro masiñe mehna quehnoana wahaja mari. Mari sa ijiḡã ihñano, tiquiro mari mehna ijire. ²² Sa yena Cristo yequina ijina ijipih̄tiyequina apequina tiquiro yequina mehna ihc̄ã curua wahari m̄sa ḡh̄h̄. M̄sa sa wahaḡã Coh̄cj̄ã yaquiro Esp̄ritu Santo m̄sa mehna ijiro nine.

3

Judio masa ijieyequinare quehnoañe buheyere yahuriquiro ijiahye Pablo

¹ Sa yeḡh̄ ȳh̄h̄ Pablo, Cristo Jesu yere m̄sare ijipih̄tina judio masa ijienare ȳh̄h̄ yahuri buhiri peresup̄h̄ ijiaja ȳh̄h̄. ² Coh̄cj̄ã ȳh̄h̄re paja ihñano, ȳh̄h̄re cah̄no, quehnoañe buheyere m̄sare judio masa ijienare ȳh̄h̄re yahu dutiro, c̄ri. Tire t̄ho tuhasari m̄sa. ³ Panop̄h̄ m̄sare tiquiro yahuerarire Coh̄cj̄ã yojop̄h̄re ȳh̄h̄re masiḡã yeri. Ahrire mehenoḡã yahu, m̄sare ojoa tuhasa. ⁴ Ȳh̄h̄ sa ojarire buhena Cristo yere ȳh̄h̄re tiquiro masiḡã yerire masinata m̄sa. ⁵ Ti tiquiro yahurire panop̄h̄ cjēnare tiquiro yahuerahye. Yojop̄h̄ pehere us̄ãre Jesu c̄rinare, Coh̄cj̄ã yere yahu

m̄h̄tariquina ḡh̄ure tiquiro yahurire masigū yeri Coh̄ācjū. Tiquiro yaquiro Esp̄ritu Santo pehe us̄are masigū ye basari tiquirore. ⁶ Oh̄o saha ijire tiquiro yahuri: Us̄a judio masa dihitare Coh̄ācjū ȳhd̄oerare. Judio masa ijieyequina ḡh̄ure ȳhd̄orota tiquiro. Quehnoañe buheyere tiquina quehnoano t̄h̄ogū ȳhd̄orota tiquiro tiquinare. Sa yena us̄a judio masa, m̄sa judio masa ijiena mehna ihcā paḡu yero saha ihcā curuata ijiaja mari. Sa yena mari ijipih̄tina Cristo Jesu yequina ijina ihcāno saha Coh̄ācjū “M̄sare ȳhd̄outja”, tiquiro ni cūriro sahata tiquiro ȳhd̄onohrina ijiaja mari.

⁷ Coh̄ācjū ȳh̄ure paja ih̄ñano, ȳh̄ure cah̄ino ahri quehnoañe buheyere yahuacj̄ure ȳh̄ure cūri. Tiquiro masiñe mehna sa cūri ȳh̄ure tiquiro. ⁸⁻¹⁰ Ijipih̄tiyequina arequina Jesu yequina docar̄u ijieyequina tiquina docar̄u waro ijiaja ȳh̄u. Ȳh̄u sa ijiepegūta judio masa ijieyequinare quehnoañe buheyere yahuacj̄ure cūri Coh̄ācjū ȳh̄ure. Ti buheye Cristo quehnoa ȳhd̄ariquiro tiquiro ijiyere, quehnoa ȳhd̄aye tiquiro c̄oyere tiquiro ohoatire yahure marine. Ȳh̄ure sa cūno Coh̄ācjū “Oh̄o saha ȳhd̄outja masare pecar̄u wahaboriquinare”, nino tiquiro ȳhd̄oatire quehnoano yahu pehoacj̄ure cūri tiquiro ȳh̄ure. Sa yero panor̄u cj̄enare ti buheyere ne yahu pehoeraniahye Coh̄ācjū. Ijipih̄tiyere bajumehnediquiro ijire tiquiro. Yojor̄ure quehnoañe buheyere yahu dutiro cūri tiquiro ȳh̄ure, tiquiro quehnoano masi pehoyere masigū yero taro. Masi pehoriquiro tiquiro ijieye tiyere ahm̄use cj̄ena dutiyequinare, angele p̄h̄toa

gũhure masigũ ye duaheye tiquiro. Sa yero taro quehnoañe buheyere buhe dutiri marine Jesu yequinare. Mũsare judio masa ijienare yahu dutiri yahure.

¹¹ Ahri yehpa ijiato panopũta “Masare pecapũ wahaboriquinare yahdũoutja” niaheye Cohãcjũ. Sa nidiquiro ijero yojopũre mari pũhoro Cristo Jesu tiquiro yariaro mehna tiquiro nidiro sahata marine yahdũori Cohãcjũ. ¹² Tiquiro sa yahdũogũ yojopũre Cristore wacũ tutuana tiquiro yequina wahaja mari. Tiquiro yequina ijina cuero marieno Cohãcjũ mehna yahuducu masi-aja mari. ¹³ Quehnoañe buheyere mũsare yahũ buheri buhiri yojopũre peresupũ ijigu yahũ ñano yahdũgũ ihñana bujũa wítieracãhña. Quehnoañe buheyere yahũ yahugũ tũhona Cohãcjũ yequina wahari mũsa. Yahũ sa yeri buhiri peresupũ ijiaja. Sa yegũ mũsa ye ijiatire ñano yahdũgũ niaja. Sa yena bucueya mũsa. Tire tutuaro bucue dutiaja mũsare.

Cristo masare tutuaro cahĩne

¹⁴ Sa yegũ ahri ijipihtiye mari Pacũ tiquiro yerire wacũgũ tiquiro poto dũsepe curi mehna quehe sagũ sini basaja mũsare. ¹⁵ Tiquiro ijipihtiye cururi cjẽna, tiquiro yequina ahmũsepũ ijiequina, ahri yehpapũ ijiniñequina gũhũ tiquina Pacũro ijire. Ijipihina mari Pacũ ijire tiquiro. ¹⁶ Tiquirore ohõ saha ni sini basaja mũsare: Tiquiro masi pehoriquiro ijire. Tutua yahdũariquiro ijire. Sa yero tiquiro masiñe mehna mũsare quehnoano tiquiro wacũ tutuagũ yeatire sini basaja. Espĩritu Santo yedohoro mehna sa yerota.

17 Sa yegũ Cristore m̄sa wacũ tutua nemoatire tiquiro m̄sa mehna tiquiro quehnoano ijiatire sini basaja m̄sare. Sa yegũ apequinare quehnoano cahĩna m̄sa ijigũ, Cristo tiquiro tutuaro cahĩñene m̄sa masiatire sini basaja m̄sare. 18-19 Ijipihtyequina apequina Cohãcjũ yequina gũhũ Cristo tiquiro tutuaro cahĩñene tiquina masiatire sini basaja. Tiquiro ijipihtyequina masare cahĩ yãhdũariquiro ijire. Sa cahĩniquiro tiquiro ijiye tiyere m̄sa quehnoano masiatire sini basaja m̄sare. Sa yegũ tiquiro cahĩñene m̄sa masigũ cahmeaja m̄sa mehna Cohãcjũ quehnoano ijiatire. Quehnoa yãhdũariquiro, ñaÑe marieniquiro tiquiro ijiro saha m̄sa wahatire tiquiro cahĩñene m̄sa masigũ cahmeaja. Sa yegũ tiquiro cahĩñene m̄sa masiatire sini basaja m̄sare Cohãcjũre.

20 Sa ye Cohãcjũre ño peoye mehna “Tiquiro tutuariquiro ijire”, niuhna mari. Tiquiro masiÑe mehna quehnoañe pehere camesa masine tiquiro marine. Marine quehnoana ijigũ ye masine. Mari sinidi yãhdũoro ye masine tiquiro. Mari cahmeÑene mari tahoturi yãhdũoro ye masine tiquiro. 21 Cristo Jesu yequina mari ijigũ ihÑaÑe, Cristo ijiye tiye gũhũre ihÑaÑe, ijipihtye decori ijipihtyequina Cohãcjũre ño peohro. Sata yeahro.

4

Cristo yequina ijina ihcã curuata ijiaja mari

1 Sa yegũ m̄sare tutuaro yahuaja: Cohãcjũ tiquiro yequina ijiatinare m̄sare besee tiahye. Sa

yena tiquiro beserina ijina tiquiro iji dutiro saha quehnoana ijiya m̄sa. Tire m̄sare yahuaaja ȳh̄h̄. Mari p̄h̄tore ȳh̄h̄ yedohori buhiri peresup̄h̄ ijiaja ȳh̄h̄. Sa ye m̄sare quehnoana iji duti-aja. ² “Usã p̄rita masi ȳhd̄d̄caja”, ni t̄hotuna ijieracãh̄ña. Apequinare quehnoano mehna yeya usuaro marieno. M̄sa mehna cj̄ña m̄sare tiquina ñano yepeḡta tiquinare cah̄ñe mehna sa ih̄ña cãh̄ña. ³ Sa yena Esp̄ritu Santo yedohoye mehna quehnoano mehna ihcãno mehna ijiducuya m̄sa. Sa yena cahmequeno marieno ijinata m̄sa. ⁴ Ihcã paḡ yero saha ihcã curua ijiaja mari. Sa yero Esp̄ritu Santo ihcãquiota ijire. Cohãcj̄ tiquiro yequina ijanajare m̄sare besee tiahye m̄sare ȳhd̄oro taro. Sa yena tiquiro ȳhd̄oatire masine m̄sa. Ti m̄sa masidi ihcãnota ijire. ⁵ Mari p̄h̄toro Cristo ihcãquiota ijire. Tiquiro buheye ḡh̄ ihcãnota ijire. Tiquiro yequinare wame yeye ḡh̄ ihcãnota ijire. ⁶ Sa yero Cohãcj̄ ihcãquiota ijire. Tiquiro ijipihtiyequina Pac̄ro ijire. Sa yero mari p̄h̄toro ijire. Sa yero ijipihtinare marine yedohore tiquiro. Ijipihtina mari mehna ijire tiquiro. Sa yero ijipihtior̄p̄ ijire tiquiro.

⁷ Ihcã curua mari ijiepeḡta ijipihtina marine mari ye masiatire c̄ri Cristo. Tiquiro c̄riro sahata ye masiaja mari. Tiquiro marine sa c̄no apee borore tiquiro sa oho cãriro saha yero nidi tiquiro.

⁸ Sata nine Cohãcj̄ yere tiquina ojoari p̄p̄:
Cohãcj̄re ih̄ña tuhtiyequinare tiquiro ȳhd̄d̄cari bato tiquiro pari turi m̄jaa waharota. Sa m̄jano tiquiro peye sa oho cãnota masare, ni ojoahye panop̄re.

⁹ “Tiquiro pari turi mājaa waharota”, tiquiro nigū coā warore tiquiro dijia tari gūhure mari masiaja. Ahri yehpapure tiquiro dijia tarire mari masiaja. ¹⁰ Sa yero ohōpūre dijia tariquiro tiquirota ijire mājaa wahariquiro. Ijipihtiye bui mājaa wahari tiquiro, ijipihtiropū ijiro taro. ¹¹ Tiquiro ijire “Masare peye sa oho cāriquiro”, tiquina nidiquiro. Masare tiquiro sa oho cāno saha tiquiro peye tiquina ye masiatire cūri masare.

Ohō saha cūri tiquiro: Ihquēquinare Cristo ye buheyere buheatiquinare cūri. Apequinare Cohācjū yere yahu māhtatiquinare cūri. Quehnoañe buheyere buhe tiniatiquinare apequinare cūri. Cristo yequina cahmecoañequina pūhto ijiatiquinare, quehnoano buheatiquinare cūri apequinare.

¹² Sa dihita cūri marine apequinare tiquiro yequinare mari yedohoatire. Sa cūri marine tiquiro yequinare tiquirore mari wacū tutua nemoatire, tutuana mari wahatire. ¹³ Sa yena mari ijipihtina quehnoano mehna ihcāno mehna ijinata. Sata ijiro cahmene marine Cristore wacū tutuana ijina. Sa yena mari ijipihtina Cohācjū macūnore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gūhū quehnoano masina wahanata.

¹⁴ Mari sa wahana macanagā yero saha ijisi mari. Macanagā quehnoano tūho masiedarīaga. Apequina tiquina buhegū “Ahri poto ijire”, ni tiquina ni meho buhegū macanagā yero saha ijiyequina apeye buheyere tūho, beseducure. Sa ye

apequina tiquina sijoro saha buhegũ ti buheye pehere cahmene. Tiquina yero saha ijisi mari.

¹⁵ Ohõ saha yematja mari: Mari mehna cjẽnare cahme cahĩna, poto quehnoañe buheyere yahumatja tiquinare. Sa yena macanagã tiquina bucua tũho masiñequina tiquina wahariro saha mari gũhũ tutuana, Cohãcjũ yere quehnoano masina wahanatja. Cristo ijiro saha wahanata.

Tiquiro ijire mari dapu. ¹⁶ Tiquiro yequina ijina tiquiro pagũ yero saha ihcã curuata ijiaja mari. Sa yena mari caperi, mari cahmo, mari dahpocãri ihcã pagũpũ ti quehnoano ijiro saha mari gũhũ peyequina ijiepenata ihcãno mehna quehnoano ijiaja. Mari sa ihcãno mehna mari ijiatire Cristo yedohore. Mari omocari mari pagũre ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cjẽnare Cristo yequinare quehnoano cahĩna, tiquinare quehnoano yedohona, tutuana Cristore wacũ tutua nemona wahanata mari.

Cristo yequina wahana mari ñañe yeyere duhu, quehnoañe pehere comesaja mari

¹⁷ Sa ye mari pũhtoro Cristo tiquiro dutiro mehna ohõ saha niitja musare: Cohãcjũre cahmeeñequina waro yero saha yeracãhĩna musa. Tiquina tũhotuye pehe ñañe dihita ijire. Sa ye tiquina tũhotuye dahseati ijierare. ¹⁸ Sa yero Sataana Cohãcjũ yere tiquinare tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcjũ tiquiro quehnoano iji dutiriro saha ijierare tiquina. ¹⁹ Sa ye tiquina ñano yeye ne bue tiera yũhdũare. Ne bũjũa witierare. Ñañene

tiquina tutuaro cahmeñe dihitare yeducure. Ijipihitiye ti ñañene yeducuye duhu duerare. ²⁰⁻²¹ MUSA pehe poto tiquiro yere tuhona MUSA ijigũ, Jesu yere quehnoano masina MUSA ijigũ MUSA pehere tiquina yero saha ye dutierare tiquiro. ²² Sa yena panopu MUSA yerire duhu cãhña. Ti pjere ñañene yeducuna MUSA ijigũ ti ñañe pehe MUSA dojomehneni. “Ñañene yena, quehnoano bucuenata”, ni tuhhotuna ijiepenata ne bucuerari MUSA. ²³ Sa ye MUSA tuhhotuyere quehnoañe pehere comesaro cahmene MUSA. ²⁴ Panopu MUSA ñañe yerire duhu cãhña. Sa yena quehnoañe pehere comesarina ijiya MUSA. Ohõ saha ijiyequina Cohãcjũ yero saha ijire. MUSA sa ijina, quehnoañene yeducunata. Sa yena ñañene yabinata MUSA.

²⁵ Sa yena MUSA ni mehorire duhu cãhña. MUSA mehna cjẽnare poto yahuya, ni mehono marieno. Mari ihcã pagu yero saha ihcã curua cjãnata ijina niaja. Sa yena MUSA basi ni mehoedacãhña.

²⁶ Apequinare usuana, tiquinare ñano yeracãhña. Sa yena usuana, ne yoari pje usuaducueracãhña MUSA. ²⁷ Yoari pje usuana, watĩno tiquiro cahmeno saha yena niaga MUSA. Sa yeracãhña.

²⁸ Ihquẽquina MUSA mehna cjãna Jesu yequina MUSA ijato pano yaquerina ijina pari turi yaqueracãhña. Sa yena yojopure quehnoano dahraya pejecoyequinare MUSA ohoatire.

²⁹ Ne ñano yahuducueracãhña. Quehnoañene yahuducuna apequinare yedohore MUSA. Sa yena quehnoañe dihitare yahuducuya. ³⁰ Ñañene yena Espiritu Santore bujua witigũ yena niaga MUSA.

Sa yeracãhña. Yojoþare pihtiri deco pano Cristo marine tiqairo neato pano Espíritu Santo marine ihña ihbore marine ñañene ye dutieraro. Sa yero Cristo yequina mari ijiyere masigũ yere tiqairo marine. Sa yena tiqairore bujua witigũ yeracãhña.

³¹ Sa yena ne ñano ye nemoedacãhña. Usua, cahme duse tutua nemoedacãhña. Apequinare ñano ni sañuducu nemoedacãhña. Apequinare quti dahre nemoedacãhña. Ne apequinare ñano ni tuhotu nemoedacãhña. ³² Sa ye msa mehna cjẽnare quehnoano mehna quehnoano yeya. Cristo yequina msa ijigũ ihñano msa ñañene bo cãhri Cohãcjũ. Ohõ saha apequina msare tiquina ñano yegũ ihñana tiquina ñañene bo cãhña msa gũh.

5

“Cohãcjũ pohnene ohõ saha ijiro cahmene”, ni yahuahye Pablo

¹ Sa ye Cohãcjũ pohna tiqairo cahñona ijina Cohãcjũre ihña cũña msa. ² Sa yena apequinare sa cahĩducuya. Cristo marine cahño, mari ñañe buhiri yariahye. Sa yariaro Cohãcjũre bucuegũ yeahye tiqairo. Sa yena marine tiqairo cahĩdiro saha msa gũh apequinare cahĩña.

³ Sa yena Cohãcjũ yequina ijina ne numia mehna ñano yeracãhña. Numia gũh msa mehna ñano yeracãhña. Apeye ñañene ohõ saha ijiye ñañene yeracãhña. Apee borore cahme yuhderacãhña. Ne sa yeraro cahmene msare Cohãcjũ yequina ijina. ⁴ Sa yena buoyere cahme yahuducueraro cahmene msare. Tuho masieñequina yero saha

yahuducueraro cahmene m̄sare. Sa yena ñano ni b̄j̄uperaro cahmene m̄sare. Ahri pehere yero cahmene m̄sare. Cohãcjũ mehna yahuducuro cahmene m̄sare. Sa yahuducuna tiquirore “Quehnoano yeri m̄h̄u usãre”, nino cahmene. ⁵ Apee borore cahme ȳhd̄uana, “Cohãcjũ ijire”, mari ñiñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye w̄hana tiyequina, ñañe dihitare t̄hotuyequina, apee borore cahme ȳhd̄uayequina Cohãcjũ, Cristo mehna tiquina p̄htoro ijirop̄u ne wahasi tiquina. Tire quehnoano masiaja mari. ⁶ Ohõ saha yeyequina tiquina yeri buhiri buhiri dahrerota Cohãcjũ tiquirore ȳhd̄uayequinare. Sa yena apequina m̄sare “Ahri ñañe ijierare”, tiquina ni mehogũ t̄hoeracãhña. ⁷ Sa yena ohõ saha ñano ye ȳhd̄uayequinare ne piti tieracãhña.

⁸ Cristo yequina m̄sa ijiato pano sa ijirinata ijimedi m̄sa gũh̄u. Yojop̄u pehere tiquiro yequina ijina, Cohãcjũre quehnoano masine m̄sa. Cohãcjũ yequina quehnoañene yere. Sa yena sa yero cahmene m̄sare. ⁹ Sa yena Cristo yequina ijina quehnoañene, Cohãcjũ cahmeñene, ni mehono marieno yeducunata m̄sa. ¹⁰ Quehnoañene mari yegũ ihñano mari p̄htoro Cristo bucuere. Sa yena tire yeya. ¹¹ Cristore cahmeeñequina ñañe tiquina yeye ñañe waro ijire. Sa yena tiquina yero saha m̄sa pehe yeracãhña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigũ yeya. ¹² Masa ihñenop̄u tiquina ñano ye cohtere. Tiquina sa yerire yahuducuna mari b̄ue tiboaga. Sa

yeye ña yǎhdũaro yere tiquina. ¹³ Sa yena tiquinare quehnoañe buheyere mari yahuna, ña yǎhdũayequina tiquina ijiyere masigũ yena niaja mari tiquinare. Ijipihtiye mari yerire marine masigũ yere quehnoañe buheye, buhrioro marine ti ihña masigũ yero sahata. ¹⁴ Ti ijirota ijire. Sa ye ohõ saha ni yahure Cohãcjũ yere yahuequina:

Ne, yǎhũre tũho duena, tũhoya mũsa. Mũsa ñañe yeyere bujũa witi, tire duhuya. Cristo mũsa ñañe yeyere masigũ yerota, ni yahure.

¹⁵ Sa yena decoripe quehnoano yeya mũsa. Tũho masieñequina yero saha ijieracãhña. Tũho masina ijiya. ¹⁶ Yojopũ cjẽna masa ña yǎhdũaro yeducure. Sa yena mũsa pehe quehnoañene, Cristo yere sa yeducuya mũsa. ¹⁷ Sa yena tũho masiena ijieracãhña. Cohãcjũ cahmeñene quehnoano masiña. Sa yena tire yeya. ¹⁸ Sa ye pairure sihni queheracãhña. Queheyequinare ñano yǎhdũaro cua yǎhdũare. Sa yena pairure tutuaro cahmedacãhña. Espíritu Santo pehere tutuaro cahmeña mũsa mehna tiquiuro quehnoano ijiatire. Tiquiore quehnoano yũhtiya. ¹⁹ Sa yena mũsa basi Cohãcjũre ño peo basayere cahme yahuducuya. Sa yena Salmore Cohãcjũ yere basayere, apeye tiquiore ño peo basaye gũhũre tiquiore basa peoya mũsa. Quehnoano wacũ ño peoye mehna basa peoya. Sa yena mari pũhtoro Cristore ño peoya. ²⁰ Cohãcjũ mari Pacũ ijipihtiyere mũsare tiquiuro ohorire bucue “Quehnoare”, sa niducuya mũsa tiquiore. Mari pũhtoro Jesucristo yequina ijina mari Pacũre “Quehnoare”, sa niducuya mũsa.

“Musa ihcã wuhũ cjãna Jesu yequina ijina, ohõ saha yeya”, ni yahuahye Pablo

²¹ Sa ye musa mehna cjẽnare cahme ño peoye mehna yũhtiya. Sa cahme ño peo yũhtina Cristo gũhũre ño peona nine musa.

²² Musa namosãnumiare yahutja yojopũre. Mari pũhtoro Cristore mari yũhtiro saha musa manũsumũare quehnoano mehna yũhtina numia ijia. ²³ Jesucristo marine yũhdũore tiquiro ya curua cjãna mari ijiatire. Sa yero mari tiquiro ya curua cjãna mari pũhtoro tiquiro ijiro saha musa manũsumũa musa namosãnumia pũhtoa ijire. ²⁴ Sa yena Cristo yequina ijina tiquirore sa yũhtiducua ja mari. Sata musa namosãnumia musa manũsumũare quehnoano yũhtiducuna numia ijia.

²⁵ Musa manũsumũa pehere yahutja yojopũre. Cristo marine tiquiro yequinare cahĩno, mari ye ijiatire yariahye. Sa yena marine tiquiro cahĩdiro saha musa gũhũ musa namosãnumiare quehnoano cahĩducuya. ²⁶ Cristo mari ye ijiatire yariahye mari ñaũe yerire cosero taro. Tiquiro buh-eye quehnoañe buheye mehna mari ñaũe yeyere cosere. Sa yero tiquiro yequina mari ijigũ ihũano aco mehna marine wame yere. ²⁷ Sa cosere marine tiquiro yequina ijanare yero taro. Tiquiro sa cosegũ ne ñaũe buhiri mariena ijinata, tiquiro ihũagũ. Sa yena quehnoana, Cristo yero saha ijinata. ²⁸ Musa namosãnumiare cahĩna, musa basi musa pagũrire musa cahĩno saha tiquina numiare cahĩña. Mari namonore cahĩna mari pagũre cahĩna niaja.

29-30 Ne mari pagurire ñano wahagũ cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagu yero saha tiquiro ya curua cjãna ijiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũhũ mari pagure quehnoano yeaja. Mari namosãnumia gũhũre sata quehnoano yero cahmene marine. ³¹ Sata nine Cohãcjũ yere tiquina ojoari pũpũ: “Sa ye umano tiquiro pacusumũare wijiaro tiquiro namono mehna ijirota. Sa ye tiquina pũaro ijiepeta ihcãquiro yero saha ijietã”, ni ojoahye panopũ. ³² Ahri tiquiro ojoarire apequina quehnoano tũhoerari jiri. Sa yegũ tire ohõ saha ni yahutja mũsare. Ohõ saha ni yahuro niaga. “Cristo tiquiro yequina mehna ihcã pagu yero saha ihcã curuata ijire”, ni yahuro niaga. ³³ Sa yegũ mũsare ohõ saha ni yahu nemoutja tja: Mũsa pagurire mũsa cahĩno saha mũsa namosãnumiare cahĩña. Sa yena mũsa manusumũare quehnoano ño peoya mũsa.

6

¹ Yojoũre macanagãre yahutja. Mari pũhtoro Cristo yequina ijina mũsa pacusumũare quehnoano yũhtiya. Mũsa sa yegũ quehnoarĩne. ²⁻³ Ohõ saha niahye Cohãcjũ dutiye: “Mũsa pacusumũare quehnoano ño peoya”, ni dutiahye tiquiro. Ahri dutiro mehna Cohãcjũ yahu nemoahye. Ohõ saha niahye: “Mũsa pacusumũare ño peona, ahri yehpapũ yoari pje bucueye mehna ijinata mũsa”, ni yahuahye. Tiquiro sa ni yahugũ

ahri dutiro ihyo ijiri dutiro ijierare. Sa yena tiquiro nidiro saha m̄sa pac̄s̄m̄are ño peoya.

⁴ Yojoṗ̄re tiquina pac̄s̄m̄are yahutja: M̄sa poh̄nare sa tuhtiducuerac̄h̄ña, “Usuaḡũ yeari”, nina. Mari p̄h̄toro Cristo tiquiro cah̄ñe mehna tiquiro yedoḥoye mehna tiquinare quehnoano cohteya. Sa yena tiquinare quehnoano yahuya.

⁵ Yojoṗ̄re cahacj̄nare m̄sare yahutja: Cua pe-saro mehna, ño peoye mehna ahri yehpa cj̄nare m̄sa p̄h̄toare quehnoano ȳhtiya. Ni mehono marieno quehnoano ȳhtiya. Cristore m̄sa ȳhtiro sahata tiquinare ȳhtiya m̄sa.

⁶ Tiquina ih̄ñoño dihitare ȳhtina ijierac̄h̄ña. Sa yeyequina masa dihitare tiquinare ih̄ña bu-cueḡũ cahmene. M̄sa pehe Cristo tiquiro ca-hacj̄na m̄sa ijiro saha m̄sa p̄h̄toa ḡũh̄re sa ȳhtiducuya. Coh̄cj̄ũ tiquiro cahmeno sahata quehnoano bucueye mehna ȳhtiya. ⁷ Sa yena Cristore ȳhtina m̄sa ijiro saha bucueye mehna ȳhtiya m̄sa p̄h̄toa ḡũh̄re. “Masa dihitare ȳhtina niaja”, ni tahotuerac̄h̄ña. ⁸ Sa yena ahrire wac̄ñña: Ijipihtina quehnoañene mari yeḡũ ih̄ñoño Coh̄cj̄ũ quehnoano yerota marine. Cahacj̄nare, cahacj̄na ijieyequina ḡũh̄re quehnoano yerota.

⁹ Yojoṗ̄re p̄h̄toare yahutja: M̄sa cahacj̄nare quehnoano yeya. Tiquinare quehnoano ȳh̄u ye dutiriro sahata yeya m̄sa ḡũh̄u tiquinare. Tiquinare tuhtiperac̄h̄ña. Ūhm̄se cj̄ño Coh̄cj̄ũ potota tiquina p̄h̄toro ijire. M̄sa yaquiro p̄h̄toro ijire tiquiro ḡũh̄u. Sa yena ijipihtina m̄sa tiquiro cahacj̄na dihita ijire. Sa yero tiquiro ihc̄ño saha ih̄ñare m̄sare ijipihtinare. Sa yena m̄sa cahacj̄nare tuhtiperac̄h̄ña.

Cristo yequina watñore tiquina cahmotarire yahuahye Pablo

¹⁰ Ahrire yahu bato tiitja musare: Quehnoano wacũ tutuana ijiya musa. Mari puhtoro Cristo musa mehna ijire. Sa yena tiquiro ye masiñe mehna wacũ tutuana ijiya. ¹¹ Watño marine ni mehono, ñano ye dutire marine. Cohãcjũ marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore musa sañano saha Cohãcjũ tiquiro cahmotayere quehnoano cno pehoya. ¹² Jesu yequina mari ijigã, marine ihña tuhtiyequina masa waro ijierare. Uhmuse cjëna ijimediquina ñañequina, tutuayequina, tiquina pehe ijire marine ihña tuhtiyequina. Watña ahri yehpa cjëna puhtoa ijire. Sa ye tiquina gãhu ijire marine Jesu yequinare ihña tuhtiyequina.

¹³ Sa yena yojopare cahmotari suhtirore musa sañano saha Cohãcjũ musare tiquiro cahmotatire tiquiro yere quehnoano cno pehoya. Sa yena watño musare tiquiro ñano ye dutigã, musare tiquiro ñano ye duagã, tiquirore cahmotanata. Sa yena yuhducanata. Sa tiquirore yuhducana, tutuana tojoanata musa.

¹⁴ Sa yena tutuana ijiya. Cohãcjũ musare tiquiro cahmotatire ohõ saha yeya musa:

Surara tiquiro come suhtiro mehna tiquiro jeripohnare cahmotariro saha poto yahuyere Cohãcjũ yere quehnoano tuhoya musa watñore musa cahmotatire. Sa yena Cristo yedohoye mehna quehnoana ijiya musa, watñore musa quehnoano cahmotatire.

¹⁵ Surara tiquiro dahpo suhti mehna tiquiro dahpocãrine tiquiro cahmotariro saha quehnoañe buheyere quehnoano masiña m̄sa, watĩnore m̄sa cahmotatire. Ti buheye marine quehnoano ijigũ yere.

¹⁶ Surara tiquiro tohoriro mehna tiquiro cahmotariro saha Cristore quehnoano wacũ tutuaducuya m̄sa watĩnore m̄sa cahmotatire. B̄eye c̄ju mehna tiquiro sihã m̄sare tiquiro b̄uedoqueboro saha watĩno m̄sare ñano yegũ ye duare. Sa yena Cristore quehnoano wacũ tuana, cahmotanata m̄sa.

¹⁷ Surara tiquiro come sapea mehna tiquiro dapure cahmotariro saha m̄sare pecap̄ waha-borinare Cristo ȳhd̄orina ijiya m̄sa, watĩnore m̄sa cahmotatire.

Surara tiquiro ñoseni p̄jĩ mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiquiro yere. Ti Cohãcjũ ye buheyere Espíritu Santo marine yahure.

¹⁸ Sa m̄sa watĩnore cahmotana Cohãcjũre decoripe sa siniducuya. Espíritu Santo yedohoye mehna sa siniducuya. Sa yena quehnoano wacũ masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya. ¹⁹ Sa yena ȳh̄ ḡh̄re sini basaya Cohãcjũre. Ohõ saha ni sini basaya: Quehnoañe buheyere, panop̄ tiquina masiedarire quehnoano ȳh̄ yahuatire sini basaya ȳh̄re. Sa yena cuero marieno ȳh̄ yahuatire sini basaya ȳh̄re. ²⁰ Cristo tiquiro yere yahu dutiro ȳh̄re

ohori. Yñhñ sa yahuri buhiri peresupñ ijiaja yojopñre. Ohõrñ yñhñ ijiepegãta cuero marieno tiqũiro yere yñhñ yahuatire sini basaya yñhñre. Tĩquiuro yere yahucjñ ijigũta niaja yñhñ.

Pablo quehnoa duti bato tiahye

²¹ Yojopñre Tĩquico mñsa cahapñ esaro yñhñ ijiye tiyere mñsare yahu pehorota. Tĩquiuro mari acayũro mari cahñniquiuro ijire. Sa yero mari pũhtoro yere quehnoano yedohoriquiro sa ijiducure. ²² Usã ijiye tiyere mñsare yahu dutigñ tiquiore ohogñ niaja mñsa quehnoano bu-cueatire.

²³ Cohãcjũ mari Pacñ mari pũhtoro Jesucristo gũhñ tiquina mehna mñsa ijipihtinare usã acayere quehnoa dutiaja. Cristore mñsa quehnoano wacũ tutuaye mehna mñsa cahme cahĩatire Cohãcjũre sini basaja mñsare. ²⁴ Ijipihtiyequina mari pũhtorore Jesucristore sa cahĩducuyequinare Cohãcjũ mehna quehnoa dutiaja.

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
ad83cef1-6eb5-5233-a8f3-356e47bbda0d